

Samningur

um uppbyggingu íþróttasvæðisins á Dalvík

Dalvíkurbyggð, kt. 620598-2089, Ráðhúsi, 620 Dalvík og Ungmennafélags Svarfdæla, kt. 660269-7119, Svarfaðarbraut 34, 620 Dalvík, gera með sér svohljóðandi

samning um uppbyggingu íþróttasvæðisins á Dalvík

1.0 Inngangur

Nú um nokkur ár hefur verið unnið að gerð deiliskipulags á íþróttasvæðinu á Dalvík. Í þeim tillögum deiliskipulagsins sem samþykktar hafa verið og koma til staðfestingar í sveitarstjórn þann 15. maí n.k. er gert ráð fyrir uppbyggingu á upphituðum gervigrasvelli ásamt annarri þeirri aðstöðu sem tilgreind verður í hönnunargögnum frá ráðgjöfum. Samningsaðilar hafa skipað sameiginlega nefnd sem verður ráðgefandi og eftirlitsaðili með framkvæmdinni.


2.0 Verkefnið

Heildarfjárhæð framlags Dalvíkurbyggðar, samkvæmt fjárhagsáætlun 2018, til uppbyggingar á íþróttasvæðinu er kr. 40.000.000,-. Dalvíkurbyggð hefur fengið VSÓ Ráðgjöf og AVH til gera verklýsingu, hönnunar- og útboðsgögn um það verkefni sem þessi samningur stendur til. Gert er ráð fyrir að um kr. 10.000.000,- fari í þann lið. Ungmennafélag Svarfdæla skuldbindur sig til að sjá um uppbyggingu íþróttasvæðisins samkvæmt þeim hönnunargögnum sem unnin verða af framangreindum ráðgjöfum sem Dalvíkurbyggð mun kosta og síðan afhenda Ungmennafélaginu til notkunar.

Heildarfjárhæð framlags Dalvíkurbyggðar til framkvæmda á íþróttasvæðinu á árinu 2018 verður um kr. 30.000.000,- eða það sem eftir stendur þegar kostað hefur verið til vinnu VSÓ Ráðgjafar og AVH. Sú upphæð mun verða greidd til framkvæmdarinnar í samræmi við framgang verksins.

3.0 Önnur framlög og samningar

Samkvæmt 3 ára fjárhagsáætlun Dalvíkurbyggðar er gert ráð fyrir kr. 130.000.000,- framlagi á árinu 2019 til uppbyggingar á upphituðum gervigrasvelli. Þegar fjárhagsáætlun fyrir árið 2019 liggur fyrir um haustið 2018 verður gerður annar samningur um ráðstöfun þess fjár til framkvæmdanna. Jafnframt munu aðilar þessa samnings gera með sér heildstæðan langtímasamning um rekstur og afnot gervigrasvallar. Ráðist verður í gerð þess samnings þegar allar forsendur liggja fyrir varðandi magntölur og fleira sem varða rekstrarkostnað.



4.0 Framsal

Óheimilt er að framselja réttindi eða skyldur sem felast í samningi þessum nema til komi skriflegt samþykki gagnaðila.

5.0 Meðferð ágreinings o.fl.


Rísi ágreiningur vegna samningsins, einstakra ákvæða hans eða framkvæmdar skulu samningsaðilar reyna sættir. Reynist nauðsynlegt að reka dómsmál vegna samningsins skal það rekið fyrir Héraðsdómi Norðurlands eystra.

Samningur þessi er gerður í tveimur samhljóða eintökum og undirrita fulltrúar samningsaðila í viðurvist tveggja tilkvaddra vitundarvotta.

Dalvík, 14. maí 2018

f.h. Dalvíkurbyggðar



undirritað með fyrirvara um
staðfestingu sveitarstjórnar


Bjarni Th. Bjarnason, sveitarstjóri


f.h. Ungmennafélags Svarfdæla


Kristján Ólafsson, formaður

Vottar að réttri dagsetningu,
undirskrift og fjárræði útgefenda:


nafn

nafn

160468-4329
kennitala
290358-4779
kennitala